

Faatulagaina o le tulaga lamatia o meatotino

I le mae'a ai o le tulaga louloua ma le leaga o le tau ile amataga o le tausaga 2023, ua amatalia nei le iloiloina o le tulaga lamatia o fale ma meatotino na aafia i le tulaga leaga o le tau ma silasila toto'a i meatotino e maualuga lo latou tulaga lamatia i nisi aafiaga tuga o le tau i le lumanai.

Na faapefea ona iloa ma tuuina au meatotino i leni tusi?

O loo matou faafesootaia tagata uma e umia fale ma meatotino na aafia ma faaleagaina i tulaga ogaoga o le tau ma i latou o nonofo i nofoaga e maualuga lo latou aafiaga i ia tulaga leaga o le tau i le lumanai.

Ua matou logoina oe ona e manaomia ona faia se iloiloga o tulaga lamatia i lou fale ma meatotino. O leni iloiloga e faaoga ai faamatalaga uma e uiga i au meatotino aua suesuega a i latou e iai tomai faapitoa i ia vaega.

O le a leni iloiloga o tulaga lamatia?

O leni iloiloga o tulaga lamatia e fesoasoani e faataatia ai se ata o le tulaga ma aafiaga o tulaga louloua o le tau i le lumanai ma iloa ai foi aafiaga o ia nofoaga poo saogalenu soifua o e e nonofo ai i ia nofoaga. O le iloiloga leni e maua ai faamatalaga e fesoasoani i le faatulagaina o le tulaga lamatia o au meatotino.

O a vaega lamatia?

O le aso 1 o Me sa fofogaina ai ele Malo le faavae fou e faaoga mo vaega o tulaga lamatia o meatotino i nofoaga na aafia i tulaga leaga o le tau.

E 3 vaega ua vaevae iai le faavae a le malo i tulaga lamatia faatasi ai ma ni ona vaega laiti e fesoasoani mo le faamatalaina o nisi auala e ono faaoga e faaititia ai le tulaga lamatia ina ia maua ai le saogalemu.

Vaega lamatia	Faamatalaina	Faataitaiga
1	Toe fausia i le tulaga sa iai muamua o le tulaga moomia lea e fetaiai ma nisi tulaga lamatia o le leaga o le tau ile lumanai	Faaleleia o ni mea na faaleagaina i lologa laiti e le manaomia ai le toe mamauina pe faia iai se galuega tele.
2C	E aoga tele le fesoasoaniga lautele a nuu/itumalo ile pulea o tulaga lamatia i le lumanai pe a tutupu nei faafitauli	O fuafuaga ole puipuiga a le pulega faalotoifale a le malo o loo faamalosi ai le tapenina o puipuiga talafeagai mo nisi lologa i le lumanai e fetaia'i ma luitau o le fesuaiga o le tau.

2P	E manaomia foi le faatonuga tulaga tau meatotino e o faatasi ma le fesoasoaniga lautele a nuu/itumalo e fesoasoani i le puleaina o tulaga lamatia i le lumanai.	E taua tele le faia o ni puipuiga o au meatotino e ala i le faia lelei o alavai, pe siitia foi i luga le tulaga o le fale. E faatupuina faamanuiaga mo e ona meatotino peitai e iai taimi e le gafatia ai ona totogi tau faatulagaina.
2A	E ono pau ile vaega 2C/2P peitai e manaomia se isi iloiloga atili.	O se faauilavea e talafeagai /pe tatau ona fai peitai e le lava faamatalaga e tuuina mai mo le uluai iloiloga (o vaega nei e mulimuli ane ona fetuunai ile va ole vaega “2”ppo le 1/3)
3	O nisi tulaga leaga o le tau i le lumanai e le mafai ona fuafua tatauina. O nisi taimi e mafai lava ona toe faaoga lea fasi lauelele/fale pe a saoglemu ao isi fanua/fale e le toe aoga ona nofoia ona e ono aafia ai i ni manuaga poo le maliu ai foi.	O taimi e aafia ai le meatotino/fale i suiga leaga o le tau i le lumanai o le a matua ogaoga le tulaga lamatia o lea nofoaga i lologa. O nisi meatotino/fanua/fale e iu ina le mautu lona tulaga ma o le a faaauau pea ona maualuga lona tulaga lamatia.

E te silafia le vaega ole tulaga lamatia o lou fanua/fale/meatotino?

O le taimi nei e lei faamautuina se vaega o le tulaga lamatia o iai, ma e matou te lei mauaina foi ni faamatalaga atoatoa e mafai ai ona faia se iloiloga mautinoa sei vagana ua maua uma mai faamatalaga e aafia ai ma nisi mea e mafai ona e tauina mai ia matou.

O afea ou te iloa ai le vaega ou te iai?

E fuafua le taimi e maua ai le vaega e te iai i le nofoaga e iai lau meatotino -fale /fanua . E silia i le afe meatotino a tagata i Aukilani o loo manaomia foi iloiloga o tulaga lamatia ma o le a umi se taimi e manaomia e faia ai lea iloiloga mo i latou uma.

Faamolemole tagai ane i lau tusi o le a taua ai le umi o le taimi e te faatali ai mo lau mataupu.

E ta’u mai e la’u faailoga se mea e uiga i le vaega o lo’u tulaga lamatia?

E leai. O le faailoga e iloa ai le tulaga lamatia e ono aafia ai lou soifua ma lou saogalemju i le ma’ea ai o matagi malolosi ile amataga ole tausaga.

Ole faatulagaina e le malo o vaega o tulaga lamatia o meatotino o loo fuafua mamao i le agai i luma. O lona uiga e leai se sootaga o le lanu o lau faailoga ma le faatulagaga o vaega a le Malo.

Mo se faataitaiga, o se meatotino e lanumumu le faailoga e mafai ona faatulagaina e pei:

Vaega 1 pe afai ua uma ona faia iloiloga mautu e faailoa ai e laititi le tulaga lamatia nai lo le ripoti a le Vaega e vaaia le faaleleia o Fale

Vaega 2 pe afai e faailoa mai e le suesuega e maualuga tele le tulaga lamatia ae mafai ona faaitiitia pe a fai iai se galuega e toe faaleleia ai e pei o le fausia ose puipui malosi.

Vaega 3 pe afai e faaalua mai ile suesuega e maualuga tele le tulaga lamatia ma e leai se auala e mafai ona faaititita ai lea tulaga lamatia. E ono iai foi nisi tulaga e mafai ai ona avea se

meatotino e lanu samasama le faailoga pe leai foi se faailoga ae faatulagaina ile vaega 3 i le uma ai oni suesuega mae'ae'a.

O le a le uiga o le vaega o le tulaga lamatia agai i lau talosaga i le inisiua?

E leai se aafiaga o lau talosaga i le inisiua, e faauau lava lau talosaga e pei ona masani ai. O lau aia tatau e uiga i lau talosaga inisiua e i le va lava o oe ma lau kamupani inisiua ma e matou te fautuaina oe e faafesootai le inisiua pe a iai ni atugaluga ma ni fesili e te fia malamalama ai. O loo iai foi faamatalaga aoga i luga ole Upegatafailagi a le Fono a Inisiua o Niu Sila (www.icnz.org.nz)

O le a le Faiga mo meatotino o le vaega 3 e fia faatau atu?

Ua faamautinoa mai e le Malo i le aso 1 luni o le a latou lagolagoina le polokalame ole faatauina atu o meatotino e i le Vaega 3. O nisi faamatalaga maoti e uiga i le auala e fai ai ma faatupeina ai o loo galulue ai le Malo ma le fono faatonu ma e faamoemoe e maua mai se faaaliga e uiga i lenei mataupu i ni vaiaso o muamua.

O fea e maua ai nisi faamatalaga faaopopo?

Matou te mautinoa o le a tele ni fesili e uiga i le faatulagaina o vaega o tulaga lamatia ma o le a tele foi le le mautonu ma ni aafiaga mo oe.

E iai auala e mafai ona e maua ai faamatalaga ma le fesoasoani.

Asiasi ile upegatafailagi ole aucklandcouncil.govt.nz/recovery. E le maua atu ia matou tali uma o loo fesiligia ai ae o loo tele faamatalaga i luga o le upegatafailagi mo nisi faamatalaga.

A iai ni fesili e mafai foi ona imeli mai ile imeli ole propertycategory@aucklandcouncil.govt.nz

Afai foi e fia talanoa mai i se tasi e uiga i faamatalaga o loo i lenei tusi e mafai ona valaau mai i la matou vaega i le numera 09 884 2070. O loo matou talia le anoanoai o i latou e valaau mai i le numera lenei ma e talosagaina le lava papale pe o le onosai pe a tuai ona maua se tali i lau valaau. E avanoa la matou vaega mai le 7am-7pm Aso Gafua- Aso Faraile, and 9am - 3pm Aso Toonai/.Aso Sa.